


TENTAMEN MEDICUM DE AFFECTIONE HYPOCHONDRIACÂ SEU HYSTERICÂ.

QUOD pro primâ apollinari laureâ consequendâ examini
inclitissimorum nec non oculatissimorum Ludovicæi Medici
Monspeliensis Professorum D.D. PAULI-JOSEPHI DE
BARTHEZ, Regis in sacro Consistorio Consilarii, Uni-
versitatis Cancellarii & Judicis, GASPARII-JOANNIS RENÉ,
Decani, ANTONII GOUAN, Pro-Decani. FRANCISCI
BROUSSONNET, FRANCISCI VIGAROUS, JOANNIS
SABATIER, JOANNIS-CAROLI DE GRIMAUD, HEN-
RICI-LUDOVICI BRUN, subjicit

AUCTOR

NICOLAUS-FRANCISCUS DELLEHÉ, è loco Theux in
Principatu Leodienfi, Liberalium Artium Magister &
jam dudum hujus Scholæ celeberrimæ alumnus, Octobris
trimestri decurrente 1788.

Non igitur mali miseris succurrere disco.
VIRG. ÆNEID. Lib. I.



AVENIONE,
Apud TUSSANUM-FORTUNATUM DOMERGUE,
Typographum & Bibliopolam, propè Collegium.

Superiorum Permissu.



A MON CHER COUSIN
ET ZÉLÉ TUTEUR

M^{R.} D'ANDRIMONT.

MON CHER COUSIN,

IL est enfin venu ce jour où je puis faire éclater ma reconnaissance. Quel bonheur plus grand pour moi que de pouvoir témoigner publiquement ce sentiment si pur nourri par vos bienfaits ? Un seul, celui de vous offrir quelque chose qui fût plus digne des soins vraiment paternels, que vous n'avez cessé d'avoir pour moi, dès le sortir de mon enfance : de ce noble désintéressement à mon égard que vous avez fait paraître en toute occasion. Daignez, je vous prie, recevoir l'hommage de cette faible Dissertation, non seulement comme un devoir que je remplis, mais encore comme l'expression des sentiments les plus respectueux avec lesquels je serai toute ma vie,

MON CHER COUSIN,

à Montpellier au mois
d'Octobre 1788.

Votre très-humble &
très-dévoué serviteur,
DELLEHÉ.





TENTAMEN MEDICUM

De Affectione Hypochondriacâ seu Hystericâ.



Hypochondrium undè *Hypochondriasis* venit à græco *sub*, & *Cartilago*, & apud Anatomes illam partium abdominis lateralium portionem audit, quæ intercedit diaphragma & ilia.

Hystericus undè *Hystericâ* affectio oritur græco uterus.

Patet ex etymologiâ morbos sub his vocibus designatos quoad sedem multum differre.

Célebres in arte viri, inter quos *Hoffman* (1), *James* (2), *Astruc*, (3), *Cullen* (4), *Hypochondriasm* &

(1) *Hoffman*, med. syst. tom. 4. part. 3.

(2) *James*, Dict. univ. de Medecine.

(3) *Astruc*, Mal. des femmes tom. 3.

(4) *Cullen* first lines of the practice of physic vol. 3.

Hysteriam ut affectiones morbosas distinctissimas habent.

Ut sententiæ veritatem comprobet *James*, argumentis fulcitur sequentibus : refert 1°. Quòd symptomata quæ Hystericis invadente paroxismo supervenire observantur, apud Hypochondriacos in eâdem circumstantiâ locum non habeat. 2°. Quòd hypochondriacorum paroxismi nunquam sat subitanei nec sat validi sint, ut sensu voceque destituantur ut Hystericis sæpè accidit. 3°. Quòd venter apud Hystericas introtrahatur, cùm verò apud Hypochondriacos extus protuberet. 4°. Tandem quòd Hystericarum dissecta cadavera ut plurimum & præsertim uteri læsionem exhibuerint.

Commendat clarissimus *Astruc* ut fiat attentio ne vapores Hysterici mulieribus dicati in quibus scilicet quatuor symptomata ab illo tanquàm pathognomonica habitata, quæ sunt uteri commotio quædam invadente paroxismo; effluxus ex hoc organo humoris cujusdam lymphatici & acris remittente accessu, paroxismi coincidentia cum diversis uteri irritamentis & periodo menstruâ quæ ordinariò perturbata existit : globus ex abdomine ad collum tendens ubi suffocationis sensum efficit; ne dico vapores isti cum Hypochondriacis confundantur, qui tùm viro tùm mulieri conveniunt, in quibusque modò relata quatuor phænomena non manifestantur.

Ex his animadversionibus deduceretur Hypochondriasim & Hysteriam affectiones esse tùm sedæ, tùm phænomenis : tùm sexu, essentiâ demùm discrepantes : attamen quodcumque pondus etymologiæ concedi possit; quæcumque sit horum virorum auctoritas, utrinque causâ materiali examinatâ, quæ morbis ambobus eadem mihi videtur, nimia scilicet systematis nervosi sensibilitas & mobilitas; considerata ex utrâque parte medendi methodo, quæ similiter eadem eidemque scopo tendere vobis apparet; cùmque ex his duobus punctis sola, vera, solidaque morborum differentia

differentia petenda sit; non possum quin terminos *Hypochondriasis* & *Hysteria* jungam & tanquam synonymos habeam contendens quòd, si v. g. paroxysmi apud mulieres frequentiores sint, symptomata numerosiora & vehementiora, undè discrepantia quædam deduci posset, illud sit accidentale & referri debeat muliebri idiosyncrasia valdè irritabili, ipsarum vitæ sedentariæ, quæ secundum expertissimum *Sydenham* nervosis affectibus plurimum favet, & secundum clarissimum Professore nostrum *de Grimaud* in suis de morbis nervosis prælectionibus, illas spasmò quasi continuo subjicit; uteri existentia sensilis & mobilis valdè, qui menstruæ purgationis ratione diversimodè contrà naturæ leges modificata, diversarumque afflictionum quibus tam sæpè mulctatur, puerperii (afferit *Sydenham* (1)) quòd nil sit efficacius ad Hysteriam producendam quàm nimis promptus à lecto discessus post puerperium) uteri dico existentia, qui affectiones nervosas plurimum fovere & suscitare valet.

Liceat, quæso, præterea sentiendi rationem exponere circa perspecta superiùs allata opinionique nostræ contradicentia: 1°. Quoad etymologiam: fat nota est potestas quam utero tribuebant veteres ad morbos muliebres procreandos, ut patet ex *Democriti* ad *Hippocratem* scribentis sequentibus verbis: *sexentarum ærumnarum innumerarumque calamitatum auctor est uterus*. Non minùs innotescit quanta olim humori nigro feu atrabili in liene secundum antiquos segregato concedebatur facultas ad producendas affectiones melancholicas viris præcipuè competentes: petitur an indè intelligi posset quare una eademque affectio ratione harum causarum diversas corpo-

(1) *Sydenham in Dissert. Epist. ad D. Cole.*

ris regiones incolentium diversas denominationes sortita fuerit?

2°. Rationes à doctissimo James allatæ non omnino firmæ nobis videntur : 1°. Quanquàm symptomata quædam apud Hystericas paroxismi initio apparentia Hypochondriacis tunc deficerent, non idcirco identitatem frangere licet, cum illud à circumstantiis quibusdam accidentalibus, subjecti idiosyncrasiæ videlicet sensiliori quæ causis magis patet, dependere probabile sit. Hoc insuper argumentum contradicirur à *Willisii* (1) observatio ne sequenti apud virum quadragenarium factâ vaporibus offuscato, qui in pluribus sibi subsequenter paroxismis, paulò antè invasionem magnam intra synciput sentiebat commotionem; crebram oculorum caligationem & vertiginem perpetuam patiebatur; ingruente autem proximo oculi variè contorquebantur, invertebanturque; ab imo ventre sursum versùs cor & thoracem moles quædam vivi instar animalis tendere, indèque ad caput obrepere videbatur; illicò omnia membra convellebantur, &c. Tandem an morbi cujusdam distinctionem ponere liquet mediantibus phænomenis quibusdam apparitionis tempore tantum discrepantibus, cum sæpè sæpiùs discrimen ex symptomatum undique consideratorum catervâ depromptum fallax sit, ut tam expressè dixit eximius *Selle* (2). 2°. Ex eo quod eadem causa fæminas gravius quàm mares afficiat, non indè tolli potest morbi paritas, cum à circumstantiâ gradûs ad rei essentiam argumentari minimè liceat. Falsum est tertium argumentum ex practicatorum optimorum observatione, qui abdominis expansionem æquè ac retractionem & vice versâ ut phænomena utrique sexui indifferenter competentia descri-

(1) *Willis, de Morb. convuls.*

(2) *Introd. ad Pyretol. Method.*

bunt. Ad quartum tandem respondemus quòd dissectiones cadaverum Hypochondriacorum vel vulgò dictarum Hystericarum sæpè nullas exhibuerint viscerum obstructions : testatur egregius *Morgagni* (1) se corpus Hypochondriaci lustrando nullas invenisse obstructions : accidit sæpissimè , ait clarissimus *Selle* (2) , ut nec obstructions momentosæ nec uteri læsiones & vitia per dissectiones observentur , quin imò morbus idem (loquendo de Hypochondriaci & Hysteriâ ,) apud mulieres interdum vitiis hepatis , lienis & cæterorum viscerum conjungitur.

Sententia clarissimi *Astruc* ex sequentibus defectuosa nobis videtur. Referri debet primum symptoma ad superficiem majorem quam mali impressioni exhibet muliebte corpus ratione uteri organi mobilissimi quo deficit vir. Quod ad humorem ex utero sub paroxismi fine effluentem attinet , non dubito quin hæc excretio omnibus undique paribus apud virum æquivalenti compensetur per diversa excretoria contingenti. 3°. Hoc morbo plurimæ afficiuntur mulieres quin vel adsit uteri quæcumque læsio , in mensibus vel levissima perturbatio , &c. , ut notarunt doctissimi *Pomme* (3) & *Whytt* (4) Quartum symptoma ex *Willisii* observatione partim modò relatâ contradicitur , cùm scilicet sensus ille ascendens cujusdam corporis ex imo ventre , apud Hypochondriacos æquè locum habere possit.

Tandem opinioni nostræ pondus maximum addunt auctoritate genio , experièntiæque pollentes in arte magistri *Boërrhave* , *Vanswieten* , *Sydenham* (5) , *Home* , *Selle* ,

(1) *Morgagni de sed. & caus. morb. epist. 6. n. 2.*

(2) *Selle méd. clinique tom. 2.*

(3) *Pomme, Traité des Vapeurs. pag. 168.*

(4) *Whyt, Mal. Nerv. tom. I.*

(5) Refert *Sydenham* quòd ovum vix ovo similis sit quàm utròbique deprehensa symptomata.

Nieztki ; &c. qui nullum inter utrumque morbum discrimen ponunt.

Natura Hypochondriasis seu Hysteriæ , (hos enim terminos pro synonymis habeo ,) consistit in extremâ sensibilitate morali systematisque nervosi maximâ mobilitate physicâ , quæ ex abdomine oriri , ibique præcipuam sedem habere videtur , ut probant symptomata quæ sola morbi initio in hâc cavitate manifestantur , dyspepsia scilicet , flatus , meteorismi , Borborigmi , præcordiorum anxitates , &c. ; quæque affectio successu temporis minimâ occasione datâ præternaturalia stupendissimæque circa functiones tum naturales , tum animales phænomena edit. Præeunte clarissimi *Selle* face , assero quòd sicuti in febribus æquilibrium inter symptomata defectus notam febris nervosæ characteristicam efformat , ità in phænomenis morbosæ longæ durationis , idem defectus hypochondriacam affectionem constituat.

Quadruplici modo Hypochondriasm considero , 1°. Ut oriëntem cum subjecto seu proveniat ab ægris parentibus , vel ab organorum structurâ particulari humorumque mixtione specificâ dependeat. 2°. Ut successu temporis post natalia advenientem , condensationis vel expansionis mortuum disproportioni in pueritiâ & præsertim ad pubertatis epocham succedentem ; certis professionibus hominis à naturâ destinationi minùs accommodatis debitam , vel humorum diversis degenerationibus per contagium aut abusum circa res sex non naturales notabilem. 3°. Ut purè nervosam aut diversis aliis corporis affectibus connexam. 4°. Cum excessu toni , illius defectu vel in statu mixto ex his mortuum vitiis.

Ast sive fit nativa , tempore acquisita , simplex vel complicata , credo confidenter quòd medendi methodus levem ex his animadversionibus utilitatem percipere possit : etenim cum in affectione nostrâ prædominium habeat læsio nervosa , facta sit independens seu idiopathica ,
mihi

mihi videtur principem indicationem illi referendam esse ; quòd circumstantia esse *nativa* vel *adventitia* prognosim tantum respiciat , & quòd complicationes diversæ symptomaticam indicationem solummodò exigant. Sed res ità non se habet ratione considerationis excessûs , defectûs toni , vel statûs illis mixti , qui innititur curationis cardo.

Juvat nunc morbi delineationem exhibere , symptomata quæ Hypochondriasm concomitari solent , duplici modo spectari merentur : alia enim sunt quæ morbi initio , dùm quasi adhuc in tenebris latet , apparent , alia verò quæ provecto malo & ad cumulum stante cernuntur.

In principio , postquàm jam diù sub cinere infidiosâ latuit malum aliorum affectuum nervosorum more , qui naturam veluti concatenant impediuntque quominus morbum statim manifestet viresque contra illum potenter adhibeat , acuti non adsunt dolores nec spectanda circa functiones turbatio ; adest debilitas quædam , animi dejectio , melancholia , anxietas , delectamentorum societatisque fuga , solitudinis amor ; minimâ datâ occasione facilè irascitur ægrotans , levem quamdam patitur spirandi difficultatem ; datur absque calore sitis ; nullum medium servare quit æger , modò tenebrosam modò jocosam exhibens faciem ; vigiliis subjicitur , vel dormiens mala ominantibus somniis cruciatur ; adsunt horripilationes frequentes ; calor volatilis per totum corpus discurrit ; modò frigus extremitatum modò æstus ; turbatur appetitus , mox anorexia , mox addephagia , plurima diversaque cupit ager alimenta , ast qualia præcisè nescit. Fluit copiosè salivalis latex , qui saporem nescio quem fatuum refert , osque mœstum efficit ; vitiatum sæpè est gustus organon , ità ut assumpta teterrimo sapore impregnata videantur. Sat sæpè ægrotantes in res absurdas & non esculentas incidunt , subindèque superveniunt vomitus , materies variegatæ , virides & mucosæ rejiciuntur , aliquando alimenta per plures dies in ventr.culo hærent absquè eo quòd ullam alterationem subeant. Sæpè constricta est alvus diùque moratur ager antequàm

alvum deponat : *Koemp*s de Hypochondriaco loquitur , qui quamvis multum manducaret & antè tres hebdomadas scellam non petiisset , non idcirco obtumescibat abdomen , & illo tempore nec materies in majori quantitate nec peiori qualitate quàm in statu perfectæ sanitatis reddebat. Adsunt in visceribus abdominalibus vagi quidam dolores , meteorismi , borborigmi , flatuum superius inferiusque cum levamine quodam ejectiones ; menstruorum apud fæminas perturbationes frequentes , &c.

Profecto morbo hæc symptomata adaugentur & graviora sensim complicantur ob functionum perturbationem quasi continuam. Sub omni formâ latet promethæus , gravissimos omnes affectus mentiens , scilicet apoplexiam , syncopen , epilepsiam , colicam nephreticam , passionem iliacam asthma , anginam , tumores omnis generis , hydropem incipientem , &c. Ventriculus & intestina mox flatibus uniformiter distenduntur , mox spasmovehementissimo constringuntur ; mox in superficie abdominis externè varii apparent tumores elongati , duri , funium tenforum instar , dantur ructus acidi , materies aquosæ ut plurimum vomitu ejiciuntur. Adest cardialgia crudelis & sæpè revertens : sensus ponderis cujusdam in ventriculo hærentis ; epigastrii irritabilitas maxima , ità ut tangi vel levissimè nequeat quin revertatur paroxysmus , anxietates insuperabiles ; Hypochondriorum dolores prementes , tendentes , thoracis & diaphragmatis contractio ; pulsatio in abdomine aneurisma mentiens circa truncum iliacum ; dantur omnes morbosæ respirationis modificationes ; spasmus viarum urinarium ; invadente duranteque paroxysmo urina lymphida quæ post paroxysmum citrina appareat. Quoties accedente quolibet accessu urinæ lymphidæ & abundantes effluebant , illum naturæ Hystericæ esse affirmabat celeberrimus *Sydenham*. Calor intolerabilis , quem cum invadente paroxysmo subsequitur frigus intensissimum. Sentiuntur in cruribus crampi , ventriculique vehementes contractiones cramporum cruciatus referentes , dantur convulsiones universales ut tetanos opisthotonos ; motus convulsivi , tussis qui-

dem violenta , cordis palpitationes enormes ; quanquàm pulsus parvus , vermicularis & sæpè naturalis persistat. Gutturis adest mox constrictio , mox inflatio. Oscitatio , pandiculatio , risus , fletus , clamores absque causâ visibili , magnæ inspirationes , suspiria recurrentem accessum sæpè annuntiant. Vertigines frequentissimas patitur ægrotans , dolorem acutissimum in occipite præsertim perceptum , qui *clavus* vulgò dicitur ; adest frigoris sensus versùs futuram sagittalem ; tinnitus aurium ; apparet aliquando hæmoptisis , secundùm *Schræder* spasmus abdomini infixum pro causâ agnoscens. Frequentissimæ adfunt aphonix ; retulit nobis in suo cursu clarissimus professor noster *Brun* , se hystericam novisse mulierem , quæ aphoniam patiebatur 24 horis quâlibet vice durantem , & tertio quolibet die revertentem , quæ alimenti frustum pro causâ occasionali agnoscebat , & kinam pro medelâ. Idem vir doctissimus nos fecit participes sensationem alterius hystericæ habuisse , quæ crura & pedes movere poterat dùm sedebat , econtrâ dum stans erat. Hæc affectio sæpè per periodos irregulares revertitur ; ast etiam aliquando ægrum continuò atterit. Diversi hujus morbi gradus habentur ; aliquando sæpissimè quidem persistit sensuum usus , quandoque verò planè supprimitur , observantur Hypochondriaci apud quos nulla datur respiratio , nullus pulsus , nullus calor , nulla sensibilitas , in perfectâ demùm asphixiâ jacentes : hoc casu ad vitam explorandam speculum ori apponitur ; secundùm expertissimum *Winslow* vas aquâ plenum costis spuriiis imponitur ; vesicatoria applicantur , pro mortis signo certo sola putrefactio habenda.

Quod spectat Diagnosim prædominii , defectus vel statûs mixti circâ pravam mortuum tonicorum distributionem , clarissimorum *Schræder* & *Selle* methodus , quæ naturam morborum mediante felici vel infelici remediorum effectu perscrutari docet , eximia nobis videtur & quasi unica.

Hypochondriasis causæ spectari possunt 1°. Ut remotæ , seu illam nervorum exquisitam sensibilitatem ad longum efficientes.

2°. Ut formales seu morbum abdomini præsertim infigentes. 3°. Ut occasionales seu in actu ponentes quod absque illis in potentiâ repositum mansisset. Generatim mulieres pari causâ magis quàm mares afficiuntur.

Causæ dispositionem nativam ad affectionem Hypochondriacam considerantes nimis obscuræ nimisque ingenii sphæram superant, ut illis adhæream. A sequentibus adventitiam ut plurimum deduco, antè omnia in duas classes temperamenta distribuendo, quæ illi præcipuè subjiciuntur: prima continebit constitutiones ficas, densas, biliosas; secunda temperamenta humida, phlegmatica. Præter hanc divisionem, suppono prætereà adesse utrobique systemati nervoso dispositionem quamdam, quæ certa individua paribus causis magis afficiuntur quàm communè hominum. Etenim secundum clarissimum *Selle*, causa materialis non esse debet hujus naturæ ut eadem symptomata apud omnes constitutiones communes producat, alioquin deinceps de affectu nervoso non magis ageretur. Prima posita temperamenta ad illam nervorum sensibilitatem mobilitatemque extremam causis sequentibus valdè disponuntur: sunt animi validæ commotiones, terror, mæror, ira, desideria inania, ad venerem impermissam proclivitas (hæc præsertim de mulieribus valet) vigilia, ingenii labor protractus, rebus abstractis, metaphisicis contemplationibus, mathematicis speculationibus infixus; curæ, sollicitudines, abusus calidorum, falforum, acrium, in generali tonicorum omnis generis, & præsertim potûs café, quem nervosis affectibus his temporibus valdè vigentibus multùm contribuiere existimo. Lusus aleæ, imperita kinæ in curandis febribus intermittentibus administratio, plantarum venenosarum nimis protractus in curandis diversis morbis usus; refert professor noster clarissimus *de Grimaud* se hominem novisse febre nervosâ convulsivâ defunctum propter conii maculati nimis longam administrationem extracti: vita sedentaria, omnia demùm quæ partium condensationi favent & mobilitati.

Causæ in phlegmaticos potenter agentes sequentes esse mihi

mihi videntur : evacuationes cujuslibet naturæ excedentes ; purgantium abusus ; observârunt *Forestus* & *Tissot* quòd tonicorum administrationis defectus post affectiones gastricas ad quas debellandas solet purgantium exhauriri collectio , fortiter ad hotum morborum recidivas disponat , affectionisque Hypochondriacæ cum toni probabiliter defectu generationi plurimum faveat. Ptyalismus excedens , mercurialium usum sequens , vel Nicotianæ in fumum redactæ mediantequè fistulâ ori attractæ , vel potûs excedentis thé , qui nervorum mobilitatem insuper valdoperè suscitare valet. Gonorrhæi fluxus maligni vel benigni : coitus excedens sinceræ naturæ impulsus. Alimentorum usus , quæ digestivas vires non multum exercent ; usus fructuum immoderatus , jussulorum , ciborum levium , potuum diluentium ; immoderatum subitumque corporis augmentum ad pubertatis epocham. Partus frequentes ; refert celeberrimus *Boerrhave* quòd graviditates frequentes fibris magnam concedant debilitatem , laxitatem , subsequenterque hos status mobilitatem.

Causæ utrique temperamento communes haberi possunt viscerum obstructions , virus omnis generis , prægressi morbi , humorum densitas , thoraculorum gestatio tam sanitati nociva propter motus expansorii coarctationem & tam parum corporis formæ proficua , ne nociva dicam : retulit nobis in suo cursu clarissimus professor noster D^{nus} *Vigarous* se novisse juvenculam , quæ à tenerâ juventute thoraculis torta , oriente fluxu menstruo uteri lapsum perpeffa est cum illius organi gravissimâ hæmorrhagiâ , quæ tribus sequentibus annis quâlibet menstruatione revertebatur.

Ut causas formales præcipuas habeo motuum ad abdomen directionem , quæ lege naturali circa 35 ad 40mum ætatis annum contingit. Tertiâ illâ vitæ epochâ evoluuntur systematis portæ æstuationes , spasmis occasio datur , fiunt humorum congestiones , stases , efformantur polyposæ concreffiones , nervorum irritamenta , hæmorrhoidum molimina , undè magni *Stoll* exclamatio qui majoris chronicorum partis inter venæ portarum

ramificationes causam reponebat; *vena portarum porta malorum!*
 2°. Certas professiones, quæ trunci inclinationem perpetuam exigunt; inter alias habetur ars litteratoria, futoris, sarcinatoris &c.

Causæ occasionales sunt minimi in potu, cibo respectivè ad qualitatem vel quantitatem excessus in motu & aliis rebus quas non naturales vocant Hygienistæ: odorum inspiratio, fatuarum præsertim secundum *Home*; refert celeberrimus *De Sauvages* quòd Hysterica mulier paroxysmum vehementissimum subierit percepto tuberosæ odore; inspiratio aeris aliquantulum corrupti, vulneris aspectus, portæ crepitus, aditus aeris externi in cubiculum in quo ut ità dicam infigitur ægrotans; refert Dominus *Brun* se novisse Hystericam mulierem, quæ dum appariebatur fenestra, quanquàm ab illâ sat remota foret, caput optimè tectum haberet & nulla daretur manifesta sensatio ex ingrediente aere, tamen frigus acutissimum in calvariâ patiebatur. Cum certis objectis antipathia, contradictio, minima punctura; vesicatoriorum applicatio, cujus exemplum mirabile retulit nobis in suo doctissimo cursu Dominus *Sabatier*; in primis viis hærens sabburra, plæthora &c.

Ut jam diximus huic morbo magis exponuntur mulieres quam viri: ast omnibus paribus minùs illis periculosè accidit, secundum naturæ legem ab Hippocrate notam, quâ fit scilicet ut morbus quidam eo minùs periculosus sit, quò magis cum subiecti quem aggreditur constitutione consentit. Potest Hypochondriasis temporis successu evanescere, sed etiam quòd sæpissimè accidit, in alios affectus gravissimos abire, hydropem apud illos in quibus imminet robur physicum, tabem apud delicatulos, icterum, viscerum obstructions, schirros &c. Per se lethalis non est, ast pertinacissimus, ità ut merito jure medicorum appelletur opprobrium. Curatu difficilior est si nativa sit vel jam diù existat. Hypochondriasis cum toni excessu ad biliosam degenerationem tendere observatur; cum illius defectui sociata, magis ad pituitosam vergat. Malum est si meticulosi sint

ægrotantes , de fanitate recuperandâ desperent , phantasiæ nimis indulgeant , & medicos cum medicamentis sæpè commutent diversis. Curabile malum modò medicus prudentiam & æger constantiam adhibeant.

Triplici modo spectari meretur curatio , quæ alia morbi initio , alia in paroxismo , alia extrâ illud esse debet.

1°. Casu sufficit diætâ conveniens , tonica vel relaxans secundum circumstantiam ; animi quies & ab objectis distractio malè afficientibus , exercitium , equitatio salutaris illa gymnasticæ pars , quæ secundum eximium *Sydenham* calorem nativum restaurat & fovet , sanguinis mixtionem juvat , excretiones promovet , viscera abdominalia leviter & salutariter concutiendo roborat. Refert ille vir sapientissimus vaporosi hoc solo medio curationem , qui in statu maximè disperabili jacebat. Itineratio , aeris puri respiratio.

2°. Casu plurimum valet medicina expectans ; ne illud symptomatum chaos , qui singulo passu sanguinis missionem , emesim vel potionem purgantem indicare videtur , nos in errores turpissimos injiciat : plethora enim sæpissimè spuria est , à sanguinis orgasmo proveniens. Vomitus à nervosâ irritabilitate frequentissimè pendet , ità ut emesis irritando , gravius malum efficeret. Sufficiat in situ commodo ægrum reponere , ligaturas omnes solvere , & excitantia quædam adhibere , si sensu deficiat ægrotans : inter illa numerantur sternutatoria , varii stimuli , odores penetrantes alkalia volatilia &c. foetidi assa foetida &c.

Tertii casûs indicatio est , paroxysmorum occasiones removendi , genus nervosum roborandi , motusque ad impulsu naturalem redigendi. Ast cum modò major modò minor in solidis tonus existat & adsit sæpè ex his duobus elementis morbosa complicatio ; dentur sæpè varia vitia ad longum in ventriculo , Hepate &c. contracta , humoribusque has partes irrigantibus undè humoralis vulgò dicta Hypochondriasis oritur , necessariò therapeia in classes diversas abire debet. In premediorum expositione animus

est illa præcipuè considerare & delineare ; quæ relationem quamdam habent cum duobus affectionis nostræ elementis atoniâ scilicet & Hypertoniâ , seu clarissimorum *Pomme* & *Whytt* methodos exponere , quarum prima maximè relaxans est , secunda roborans. Quod ad complicationes diversas attinet , & jam contracta in diversis organis & humoribus varia vitia , intentio non est his adhærere animadversionibus , quarum nimis multiplicantur casus , practica sagacitati potius relinquendi.

A relaxantibus incipio : inter illa numeratur 1°. venæ sectio ; quæ vires frangere valet , sed nimis protracta convulsiones producit ut *Sydenham* videre fuit. Prodest dum paroxysmi pro occasionali causâ cujusdam hæmorrhagiæ suppressionem agnoscunt , vel plethora tum generalis tum particularis vera existit. Remedia superius purgantia hoc habent incommodum ventriculum scilicet irritent ; inferius illum & intestina debilitent , constipationem procreent undè flatibus obstaculum ; in illis ergò modus. *Koempfio* multum profuerunt enemata sæpè repetita diùque continuata , cum plantis emollientibus & resolventibus composita. Potus diluens , depurans & demulcens , qui solidorum debellando rigiditatem , fluidorum densitatem & acritudinem corrigit. Balnea tepida , quæ spasmus solvunt , humores diluunt , calorem & diaphoresim audaugent ; præstat ut ad 32 gradum thermometri Reaumur flet liquor ; bis in die sumuntur , manè ventriculo vacuo , & post meridiem quatuor horis post sumptam refectionem. Observavit clarissimus *Tissot* certos agros ni in balneo tepido digerere nequere ; hoc modo fiebat revulsio spasmodorum ventriculo valdè sensili infixorum , qui digestionem impediabant , quique calore & virtute balnei expansivâ per totam corporis superficiem disseminabantur. Melius est in balneo per unam horam immanere & illud in die repetere , quàm unicem fumere & commorari magis. Balnea 32 gradum excedentia nimis vehementia sunt ; in illis major est humorum ad caput affluxus , sanguinis fit orgasmus , sudor immodicus excitatur , producitur lypothymia &c. Fomentationes , frictionesque cum substantiis emollientibus

emollientibus solidis vel fluidis. Secundus febris periodus ; ast verendum est ne dùm epigastrii summa sensibilitas & irritabilitas est , & jàm invaluit malum &c , Prima periodus motuum concèntratione cardialgias , suffocationes producat , quâ de re cum maximo fructu consulendus Dominus *Dumas* (1). Ratione virtutis suæ pacificantis in hâc classe reponi potest opium , quod tamen acris esse probârunt experimenta nuper facta. Consideratum quidem ut anodynum nocere posset vires digestivas consopiendo valdè debiles : observatum insuper est illud soli sudoris excretioni favere , omnes alias minuendo ; ità ut illius sopiente ministerio non fieri debeat usus , ni irritationes vividæ , acutique dolores veniant , proximam indicationem postulantes. Proficuum omninò debet esse opium in complicationibus diversorum statuum morbosorum cum diathesi Hypochondriacâ ; v. g. effectus optimos hîc producere deberet , si luis venereæ complicatio daretur , vel solum ministraretur secundùm novam ab anglis introductam methodum mala venerea curandi , vel mercurio associaretur. Hîc etiam referenda diæta vegetalis , usus fructuum boni moris , lactis quòd tanquàm vegetale haberi potest , ipsius præsertim feri quodbilem temperat , diaphoresi diuresique favet. Refert clarissimus *Tissot* se mediante lacte asinino plures Hystericas sanatum fuisse ; hoc casu lac spectari debet ut remedium & alimentum.

Ad methodum roborantem seu illam à clarissimo *Whytt* laudatam referuntur sequentia ; cibus nutriens , multum chyli sub parvo volumine comprehendens ; vinum generosum , Burdigalense præsertim , quod tono pollet. Plantæ amaræ , gentianæ latea & centoreum , aurantiorum amarorum cortex in substantiâ vel in vino infusus , ut vires digestivæ efficacius redintegrentur. Ipecacuanha fractâ dosi ; peruvianus cortex omni sub for-

(1) *Memoire sur les avantages qu'on peut retirer de la fièvre dans la cure des maladies chroniques , couronné par la Société Royale de Méd. de Paris , imprimé à Montpellier en 1787.*

, folus vel amaris junctus ; martialia præparata , aquæ præ-
 tertim minerales ferrugineæ , quæ secundum *Sydenham* ab ip-
 sius naturæ manibus offeruntur , intimiùsque sanguini permiscen-
 tur ; inter alios fontes , spadani latices jure meritissimo cele-
 brantur : si ferrugineis resistat aquis affectio , commendat *Sy-*
denham ut æger sulphureas adeat , inter quas aquisgranenses
 imminent , illisque intùs & extùs alternatim per duos menses
 utatur. Scintillæ electricæ leves & diù continuatæ , quibus cum
 summo fructu utebatur celeberrimus *de Haën* , ad paralytica
 membra restituenda : commotiones ecuntrà vim relaxantem pos-
 sident , ut notat Dominus *de la Roche*. Balnea electrica quæ
 humorum solidorumque tonum plurimùm adaugent. Frictiones
 siccæ , aromaticæ. Balnea frigida , potus aqueus glacie refrige-
 ratus , de quo consulendus expertissimus *Teden*. *Hallerii* elixi-
 rium vitriolicum , bis in die popinatum ad 10 vel 12 guttas
 in aquæ puræ cochleari extensas. Aromatum in vino rubro in-
 fusorum & quotidie renovatorum suprà abdomen applicatio ,
 equitatio &c.

Illustrissimi Doctissimique *de Barthes* & *de Lamure* existiman-
 tes toni defectum vel excessum vario modo inter se combina-
 tos ut plurimùm existere , cujus mixti statûs pro diagnosi ha-
 beri potest affectionis inveteratio , difficilis disquisitio an toni
 prædominium vel defectus habeatur , methodos modo relatas
 diversimodè sibi immixtas cum optimo successu adhibuerunt , pro
 circumstantiis ex unâ dementes alteri adjicientur , donec tandem
 secundum *Hippocratis* loquendi normam corpus in loco foret.